



PROCEDEMENTO PARA A ADMINISTRACIÓN DA DOSE DE RECORDO DA VACINA FRONTE A COVID-19 EN PERSOAS DE 12- 17 ANOS E SEGUNDA DOSE EN PERSOAS DE 5- 17 ANOS CON COVID PREVIO QUE VIAXARÁN A OUTROS PAÍSES POR MOTIVO DE ESTUDOS/ LABORAIS

Dirección Xeral de Saúde Pública

Santiago de Compostela a 18 de febreiro de 2022

1. Introducción

Dende o inicio da pandemia de SARS-CoV-2, os Estados membros da Unión Europea, foron adoptando unha serie de medidas co obxectivo de salvagardar a saúde pública. Entre esas medidas atópase a obrigatoriedade de exhibir un certificado dixital de vacinación, recuperación ou de proba diagnóstica negativa para circular libremente polo territorio dos Estados membros.

A través do Regulamento da Unión Europea (UE) 2021/953¹ do Parlamento Europeo e do Consello de 14 de xuño de 2021 estableceuse o marco regulatorio para a expedición, verificación e aceptación de certificados dixitais interoperables de vacinación, probas diagnósticas e de recuperación para facilitar a libre circulación de persoas durante a pandemia de COVID-19.

Esta normativa europea foi trasladada ao regulamento español mediante a *Resolución de 4 de junio de 2021, de la Dirección General de Salud Pública, relativa a los controles sanitarios a realizar en los puntos de entrada de España*².

O certificado dixital de COVID-19 da Unión Europea (EUDCC) é unha proba dixital, válida en toda a UE. Non obstante, os países seguen sendo responsables das súas propias normas de entrada e das medidas sanitarias durante a pandemia polo que os requisitos de entrada dependen do destino.

Debido a este motivo e aínda que dende o 1 de febreiro de 2022 os certificados de vacinación expedidos para a serie de vacinación primaria (é

1 Regulamento da Unión Europea (UE) 2021/953 do Parlamento Europeo e do Consello de 14 de xuño de 2021 relativo a un marco para a expedición, verificación e aceptación de certificados COVID-19 interoperables de vacinación, de proba diagnóstica e de recuperación (certificado COVID dixital da UE) a fin de facilitar a libre circulación durante a pandemia de COVID-19: <https://eur-lex.europa.eu/eli/reg/2021/953/oj>

2 *Resolución de 4 de junio de 2021, de la Dirección General de Salud Pública, relativa a los controles sanitarios a realizar en los puntos de entrada de España*: <https://www.boe.es/buscar/act.php?id=BOE-A-2021-9352>

dicir, non os expedidos tras a administración da dose de reforzo) teñen unha validez a efectos de viaxe dentro da UE de 9 meses (270 días), pode acontecer que no territorio dalgúns Estados membros esta validez sexa menor.

Por este motivo, establécese un procedemento co fin de facilitar a libre circulación das persoas que, non tendo recomendada a administración da dose de reforzo, teñan completada a pauta de primovacinação polo menos hai 5 meses e a normativa do país de destino contemple un período de validez do certificado menor de 9 meses.

Este procedemento tamén inclúe os casos de persoas de 5 a 17 anos que tendo pauta completa cunha única dose de vacina por ter pasado a COVID-19 antes da primovacinação, precisen a administración dunha segunda dose polos motivos descritos con anterioridade.

2. Obxectivo

O obxectivo deste documento é describir o procedemento para a xestión da vacinación con doses excepcionais (non indicadas) das persoas que viaxarán a outros países para cursar estudos ou por motivos laborais, nos seguintes casos:

- Dose de recordo (3ª dose) en persoas de **12 a 17 anos** cunha pauta completa de primovacinação de dúas doses.
- Segunda dose, tras pauta completa cunha única dose por COVID-19 previo, en persoas de **5 a 17 anos**.

3. Criterios que se deben de cumprir para a administración da dose excepcional (non indicada)

3.1 Dose de recordo (3ª dose) en persoas de 12 a 17 anos

- Deben pasar polo menos 5 meses dende a última dose da primovacinação.
- Se pasou a COVID-19 tras a pauta completa de vacinación, recoméndase agardar 5 meses para recibir a dose de recordo contando dende a data do diagnóstico. De non poder cumprirse este intervalo, como mínimo administrárase a dose de recordo ás 4 semanas do diagnóstico.
- Só se poderá autorizar esta dose de recordo entre os 12 e os 17 anos nos casos que se requira por estancias de estudos ou motivos laborais noutro país, non estando incluídas as viaxes escolares ou por motivos turísticos.

3.2 Segunda dose, tras pauta completa cunha única dose por COVID-19 previo en persoas de 5 a 17 anos

- Nos casos de persoas con pauta completa cunha única dose por COVID-19 previo á primovacinação, poderase administrar a segunda dose co intervalo indicado según a idade e o tipo de vacina:
 - Entre os 12 e os 17 anos, 28 días entre doses (para que se poida reflexar a vacina no certificado)
 - Entre os 5 e 11 anos, 8 semanas entre doses.
- Se pasou a COVID-19 tras a primeira dose deberase agardar o intervalo recomendado polo plan galego de vacinación fronte a SARS-Cov-2 (4 semanas de 12 anos en diante e 8 semanas os menores desta idade).

- Autorizarase esta segunda dose entre os 5 e os 17 anos nos casos que se requiran dúas doses, por exemplo, por viaxes internacionais ou de estudos.

4. Procedemento para a vacinación das persoas que viaxarán a outros países para cursar estudos ou por motivos laborais.

A. Solicitud de vacinación

De cumprirse os requisitos anteriores, a solicitude de vacinación realizarase da seguinte maneira:

- A persoa solicitante deberá cubrir o formulario de recollida de datos (anexo 1) dispoñible na páxina web do coronavirus, na seguinte ligazón: <https://coronavirus.sergas.es/Contidos/Formulario-covidvaces>
- No caso de menores de 16 anos o formulario deberá vir cumprimentado cos datos do pai/nai/titor legal. No caso dunha persoa con 16 ou máis anos non é necesaria a representación.
- Deberase acreditar o país onde vai realizar a estancia, o motivo da mesma e a data do seu inicio mediante un documento xustificativo.
- O formulario de recollida de datos e o documento xustificativo da estancia remitiranse por correo electrónico ao enderezo covidvaces@sergas.es da Dirección Xeral de Saúde Pública.

B. Xestión das solicitudes de vacinación

- A Dirección Xeral de Saúde Pública recibirá os formularios de recollida de datos e os documentos xustificativos dos solicitantes e comprobará o cumprimento dos requisitos establecidos para proceder á vacinación coa dose de recordo.

- Os datos das persoas que cumpran estes requisitos serán enviados ao hospital de referencia da área sanitaria á que está adscrita a persoa que solicita a vacinación.

C. Xestión da cita de vacinación

- As áreas sanitarias, recibirán a listaxe das persoas que cumpren os requisitos para recibir a dose de recordo da vacina fronte á COVID-19.
- Unha vez recibida esta listaxe procederase a xestionar a cita para a administración da vacina.
- A información do lugar e hora de cita notificarase ao solicitante por medio do teléfono indicado no formulario de solicitude.



Anexo I

FORMULARIO DE RECOLLIDA DE DATOS PARA A VACINACIÓN DAS PERSOAS QUE VIAXEN AO ESTRANXEIRO POR CURSAR ESTUDOS OU MOTIVOS LABORAIS

CONSIDERACIÓNS

- * Deberase acreditar o mais fielmente posible o lugar, data e motivo da estancia
- * É moi importante cubrir o formulario (PDF editable) e gardalo no mesmo formato (non serán admitidos formularios cubertos a man ou escaneados)
- * Unha vez cuberto este formulario é necesario gardalo para poder envialo posteriormente por email, xunto co documento xustificativo da estancia, ao enderezo de correo electrónico: covidvaces@sergas.gal

DATOS NOMINAIS

Nome:	
1º Apelido:	
2º Apelido:	
DNI:	
Data nacemento:	
Teléfono móbil:	
Outro teléfono:	
Concello:	
Área Sanitaria:	

DATOS DO REPRESENTANTE LEGAL (PAI/NAI/TITOR). Cubrir só no caso de menores de 16 anos

Nome completo:	
DNI:	
En calidade de:	
Teléfono móbil:	

DATOS DA ESTANCIA

País de destino:	
Data de inicio:	
Duración:	
Descrición do documento xustificativo aportado:	

DECLARACIÓN RESPONSABLE

En calidade de interesado/nai/pai/titor legal, declaro que os datos aportados neste formulario e a documentación que se acompaña ao mesmo son certos.	
Data da declaración:	
Lugar:	